

臨安志卷第三

牧守 政績附

**歷代**

全琮

黃武五年吳孫權分三郡險地爲東安郡全琮領郡太守治富春明賞罰招誘降附數月中得萬餘人召還字子璜錢塘人見吳志

柳沖

唐貞觀中爲杭州刺史有能名蒲州虞鄉人

袁仁敬

開元十三年明皇自擇刺史九十一人大理少卿

第三卷

一

袁仁敬爲杭州刺史治行諸宰相諸王御史以上祖道洛濱盛具奏太常樂帛舫水嬉命高力士賜詩帝親書且給筆札令自賦

崔渙

肅宗時爲左散騎常侍餘杭太守江東採訪使博陵安平人

房孺復

唐貞元初韋應物爲蘇州牧房孺復爲杭州牧韋嗜詩房嗜酒每與賓友一醉一詠其風流雅韻多播於吳中或目韋房爲詩酒仙見白居易吳郡詩石記元和姓纂云孺復河南人

李泌

字長源代宗朝為杭州刺史引湖水入城為六井  
以利民為政有風績德宗在奉天召赴行在授左  
散騎常侍拜中書侍郎同中書門下平章事

封鄴  
縣侯

白居易

字樂天事唐穆宗為中書舍人長慶二年七月出

為杭州刺史始築堤捍錢塘湖鍾洩其水溉田千

頃復濬李泌六井民賴其汲久之以太子左庶子

分司東都

封馮翊  
縣侯

李宗閔

字損之文宗時為杭州刺史

第三卷

二

宣祖廟諱  
上一字亮

為給事中杭州刺史

裴夷直

字禮卿武宗時自中書舍人出為杭州刺史

李中敏

字葳之隴西人唐文宗開成末為杭州刺史

李錡

唐淄川王五世孫自雅王傳出為杭州刺史居三  
歲遷浙西觀察諸道鹽鐵轉運使

于邵

字相門京兆萬年人以

制誥出拜杭

州刺史

楊憑

字虛受治京兆有政績後徙杭州長史

崔彥曾

懿宗朝咸通二年為杭州刺史

地理志

右並見唐書

韋夔

虞部郎中杭州刺史京兆杜陵人

崔恂

水部郎中杭州刺史鄭州人

裴常棣

第三卷

三

兵部郎中杭州刺史河東聞喜人白居易冷泉亭

記云觀風亭常棣所建

獨孤嶼

侍御史杭州刺史洛陽人

李自挹

杭州刺史

唐宗室

封亮

司封貧外郎杭州刺史渤海人

雙士恪

右武衛大將軍定相二州總管杭州刺史呂國公

天水郡人

薛自勉

司勳貧外郎餘杭太守河東汾陰人

薛瑩

杭州刺史河東汾陰人

盧涇

杭州刺史范陽涿縣人

楊行矩

蔡州總管杭州刺史上蔡人

柳楚賢

光祿少卿杭州刺史河東解縣人

柳德義

第三卷

四

杭州刺史河東人

史令卿

祠部郎中杭州刺史建康人

杜信

刑部貧外郎杭州刺史京兆人

右見元和姓纂

相里尹造

韓僕射臯

給事中盧元輔

右司郎中河南元夔

右四人及裴常棣見白居易泠泉亭記

王顏

貞元六年爲杭州刺史見國一禪師塔銘

杜陟

陸則

李幼

崔鄩

路異

右五人並杭州刺史與白居易盧元輔裴常棣  
楊憑九人皆曾造僧慧琳之室論心要見慧琳  
碑

周寶

第三卷

五

爲杭州刺史後唐僖宗時羣盜起寶募諸縣鄉兵  
討之號八都兵見五代史

國朝

范旻

太平興國三年三月己酉吳越國王錢俶朝於乾  
德殿是年俶乃納土五月丙戌太宗皇帝始命水  
部郎中范旻爲考功郎中知杭州左贊善大夫孟  
貽孫通判事自是名卿鉅公接武而至舊嘗記姓  
名于廳事粲然可觀也至建炎間兵戈擾攘城邑  
隳廢牧守姓字隨亦湮沒於是博考載籍咨詢耆  
舊質諸太史氏自太平興國戊寅歲訖紹興辛亥

凡一百五十三人僅得范旻而下一百人再除者

人三除官稱名氏除授歲月及史官所紀善政美

績編列於左疑者闕焉自紹興辛亥以後則有太  
學博士何溥所撰題名記云

李繼凝

太宗即位轉刑部員外郎充兩浙轉運使尋知杭  
州召還闕改刑部郎中充樞密直學士

劉知信

端拱二年四月丁卯以邕州觀察使劉知信知杭  
州

王化基

第三卷

淳化四年五月庚戌以工部侍郎王化基知杭州  
遷禮部召還以本官叅知政事本傳字永圖真定  
府人嘗作東南行百韻好事者傳誦之

魏羽

字垂天歙州婺源人拜給事中知潭州徙知杭州  
真宗即位遷工部侍郎召還

張去華

至道三年六月丙午以給事中新知益州張去華  
知杭州咸平二年四月戊寅徙知蘇州

張詠

咸平二年四月戊寅以御史中丞張詠為工部侍

郎知杭州本傳詠以剛方自任以嚴猛爲治御下甚峻性躁急果決郡事多出於獨斷屬歲歉民多鬻私鹽以自給犯者甚衆連捕數百人詠悉寬其罰而遣之官屬請曰不痛繩之恐無以禁詠曰錢塘十萬民飢者八九苟不以鹽自活一旦蜂聚數千輩爲寇盜則其患甚矣當俟秋成乃仍舊法是歲民獲安濟又有民家子與姊壻訟家財壻言妻父臨終此子三歲故見命掌貲產且有遺書令異日以十之三付子餘七分與壻詠覽之以酒酹地曰汝妻父智人也以子幼甚故託汝儻遽以家財十之七與子則子死於汝手矣亟命以十之七給

第三卷

七

其子餘三分給壻皆服其明斷拜泣而去咸平四年九月辛卯杭州民詣闕獻土星圖一銀百兩乞留知州詔獎詠仍還其銀代還知永興軍府拜尚

書右丞字復之濮州鄆城人

自號乖崖公

宋太初

咸平五年五月癸丑以右諫議大夫宋太初知杭州是年十一月甲午徙知廬州太初字永初澤州晉城人

王仲華

咸平五年十一月甲午以太常少卿知蘇州王仲華爲右諫議大夫知杭州六年十月戊午徙知虔

州

薛映

咸平六年六月丁亥以禮部郎中知制誥權判度

支薛映為諫議大夫知杭州

本傳景德初知杭州而咸平六年十月前

守王仲華方徙虔州

字景陽臨決蠡銳州無留事

是時起居舍人直史館姚鉉為轉運使檄屬郡當直司毋得輒斷徒以上罪映即奏徒流笞杖自有科條苟情狀明白何須繫獄以累和氣請詔天下凡徒流罪人於長史前對辯如無所異遣決之朝廷施用其言在杭五年其治嚴明吏不能欺每五鼓冠帶遼明據按決事雖寒暑無一日異入知

第三卷

八

通進銀臺司兼門下封駁事

王濟

景德四年九月辛巳以工部員外郎兼侍御史知雜事王濟為工部郎中知杭州本傳字巨川性剛直無所畏避出知杭州真宗面加尉諭大中祥符四年遷刑部郡城西有錢塘湖可溉田千餘頃歲久湮塞命工濬治增置斗門以備潰溢之患仍以白居易舊記刻石湖側民頗利之徙知洪州

戚綸

大中祥符三年九月壬午以樞密直學士戶部郎中戚綸知杭州就加左司郎中五年正月甲戌綸



與轉運使陳堯佐言浙江壞岸漸逼州城望遣使自京師部埽匠壕寨赴州工役詔從之令馳驛而往命轉運使更互檢校遂以埽岸易柱石之制雖免水患而衆頗非其變法七年三月癸卯徙知揚州綸本傳字仲言應天府楚邱人

薛顏

大中祥符七年三月癸卯以司封郎中薛顏爲太僕少卿知杭州八年七月丁卯以新修冊府元龜分送洪杭二州

馬亮

大中祥符九年九月己酉徙工部侍郎知昇州馬

第三卷

九

亮知杭州丁卯詔如聞杭州葺江岸卒執役水中苦足疾而死者甚衆宜令知州馬亮拯療之十月己卯加集賢院學士亮本傳字叔明有治劇才先是江濤大溢調兵築隄而工未就詔問亮所以捍江之策亮至禱於伍貧祠下明日潮爲之却又出橫沙數里隄遂以成又上言近歲以來父祖未葬而多別財異爨甚傷風教請自今未葬者不得析

居明年改工部侍郎知廬州

真宗朝致仕謚忠肅

王欽若

天禧三年六月甲午制尚書左僕射兼中書門下平章事王欽若除太子太保判杭州又詔曰鈞衡

翊贊素彰勤盡之心藩翰鎮臨方佇惠和之績眷  
言寄任用示獎稱真宗御製七言十韻詩一首賜  
之早自外朝登近侍克符昌運振嘉名一參黃閣  
推良畫再陟鴻樞顯至榮該博古今常獻納勤勞  
夙夜每專精石渠撰述多文脩曰觀封崇大禮成  
宰府調元心匪懈真宮兼職望彌清龍樓進秩恩  
尤異熊軾爲藩任不輕二浙奧區期惠化三吳佳  
致悅高情重重山水舟中見處處壺漿陌上迎既  
肅邇遐安外域更分宵旰撫黎氓予衷側席方毗  
倚佇有甘棠播頌聲仍命依韻和進舊刺石於天慶觀天  
禧四年八月甲申召知相州

第三卷

十

王隨

天禧四年九月己酉朔以右諫議大夫兼太子右  
庶子權知開封府王隨爲給事中知杭州乾興元  
年二月戊辰授祕書少監知通州

李及

乾興元年三月壬申以樞密直學士給事中李及  
知杭州天聖元年九月丁亥徙知應天府兼南京  
留守司本傳字知幾資性清介所治尚簡嚴喜尉  
薦下吏而樂道人之善在杭州惡其風俗輕靡未  
嘗事燕游一日微雪遽出郊衆謂當命賔朋爲高  
會乃獨造處士林逋清談至暮而歸任中不市物

及去惟買白樂天集一部

天聖六年卒謚恭惠

周起

天聖元年九月丁亥徙知揚州祕書監周起知杭

州

馬亮

再除

天聖四年三月庚辰徙知亳州工部尚書集賢院

學士馬亮知杭州未行復知亳州是年四月戊午

徙周起知應天府兼南京留守司

胡則

天聖四年戊午徙太常少卿知福州胡則爲諫議

大夫知杭州

第三卷

十一

李諮

天聖六年正月戊午以右諫議大夫知洪州李諮爲給事中知杭州七年十月丙戌徙知永興軍

朱巽

天聖七年以左諫議大夫給事中新知河中府朱巽知杭州八年四月甲申爲集賢院學士五月乙丑徙知揚州本傳字順之揚州天長人忠愿自守真宗稱爲長者

陳從易

天聖八年五月癸亥以左諫議大夫知制誥陳從易爲龍圖閣直學士知杭州從易本傳字簡夫泉

州人九年正月卒於官

張觀

天聖九年二月巳丑以右司諫知制誥張觀爲尚書兵部員外郎知杭州觀本傳字思正絳州人真宗朝以服勤辭學科擢爲第一初名正觀至是御筆去上一字知杭州再遷刑部郎中代還判國子

監

累除同知樞密院  
事拜尚書左丞

胡則

再除

明道二年四月甲子徙知陳州尚書刑部侍郎胡則知杭州景祐元年四月甲辰除兵部侍郎致仕則本傳字子正婺州永康人少有清名尚風義真

第三卷

十二

宗仁宗擢用焉

鄭向

景祐元年四月丙午以尚書兵部郎中知制誥鄭向爲龍圖閣直學士知杭州三年四月庚午杭州言向卒本傳字公明開封陳留人

俞獻卿

景祐三年四月辛未以右諫議大夫俞獻卿爲集賢院學士知杭州四年十二月庚午爲給事中本傳字諫臣歙州人真宗朝嘗爲杭州仁和令暨知杭州一日暴風江潮溢決堤勢不可禦獻卿鑿西山石作堤數十里民用便之賜詔褒諭

柳植

寶元元年六月癸未徙知蘇州尚書工部郎中知制誥柳植知杭州二年八月辛未以植爲翰林學士

司馬池

寶元二年八月丁丑徙知同州尚書工部郎中天章閣待制司馬池爲兵部郎中知杭州康定元年九月辛酉移知虢州

張若谷

康定元年九月辛酉以知應天府樞密直學士尚書刑部侍郎張若谷爲龍圖閣直學士知杭州慶

第三卷

十三

歷元年五月壬申徙知鄭州

鄭戩

慶歷元年五月辛未以樞密副使右諫議大夫鄭戩爲資政殿學士知杭州二年六月癸未除給事中知并州戩本傳字天休蘇州人性強毅明俊意有所欲必行之西湖溉民田數百頃歲久不治葑泥湮塞又爲豪族與僧寺規占甚多戩乃發屬縣丁數萬書闢之民賴其利後有詔歲常修導

蔣堂

再除

慶歷二年六月甲午以尚書戶部郎中天章閣待制知應天府蔣堂爲左司郎中知杭州三年六月

丁巳除樞密直學士知益州堂本傳字希魯宜興人始知杭州徙益州移河中府再知杭州

宋祁

慶曆三年七月丁卯以尚書禮部郎中知制誥宋祁爲龍圖閣直學士知杭州本傳云未行改翰林學士知審刑院

楊偕

慶曆三年九月壬辰以知越州翰林侍讀學士尚書左司郎中楊偕知杭州偕本傳字次公性剛朴敢爲大言慶曆三年知審官院求知越州道改杭州上太平可致十象圖還判太常寺

第三卷

十四

方偕

慶曆五年十月戊寅徙淮南江浙荆湖制置發運使尚書兵部員外郎天章閣待制方偕知杭州六年六月甲戌轉刑部郎中七年七月庚子除太常少卿分司西京本傳字齊古莆田人本以吏事進而杭訟牒素煩遣決無留事以病故分司

范仲淹

皇祐元年正月乙卯以知鄧州資政殿學士給事中禮部侍郎范仲淹知杭州七月癸卯加尚書禮部侍郎二年十月戊辰加戶部侍郎十一月辛酉徙京東東路安撫使知青州本傳字希文自樞密

副使除叅知政事以疾請知鄧州徙杭州內剛外  
和所至有恩里巷之子皆知其名字

謚文正

張方平

皇祐二年十一月辛酉以知江寧府端明殿學士  
兼龍圖閣學士給事中張方平知杭州本傳字安  
道宋城人慷慨有節氣知杭州言畿內稅賦之重  
及請減定刺配刑名由是畿縣稅損元額十三刺  
配法亦稍裁之遷禮部侍郎知滑州

累遷叅知政事謚文定

呂溱

皇祐三年六月甲午以起居舍人呂溱知杭州本  
傳字濟叔揚州人舉進士第一累遷知制誥知杭

第三卷

十五

州爲人簡倨接賓客不過數言時人目爲七字舍  
人然開敏善議論一時名人多推許之自杭州除  
糾察在京刑獄勾當三班院

孫沔

皇祐五年四月壬午以樞密直學士給事中孫沔  
知杭州行至南京召爲樞密副使本傳字元規會  
稽人明敏果敢有吏材所在皆著能迹其知杭州  
仁宗解御帶賜之

李兌

皇祐五年八月己未以尚書吏部貧外郎天章閣  
待制知諫院李兌爲戶部郎中知杭州本傳字子

西許州人知杭州日仁宗飛白書安民字以賜之  
介靜簡嚴年老而精明有所舉措要使民便安之

孫沔 再除

至和元年二月壬戌以樞密副使給事中孫沔為  
資政殿學士知杭州嘉祐元年八月戊午加資政  
殿大學士京東東路安撫使知青州

何中立

嘉祐元年八月壬戌徙知陳州樞密直學士尚書  
刑部郎中何中立知杭州二年八月癸酉杭州言  
中立卒本傳字公南許州人頗工文詞

梅摯

第三卷

嘉祐二年九月戊寅以龍圖閣直學士尚書吏部  
郎中梅摯知杭州三年六月丙辰徙知江寧府本  
傳云字公儀成都府人性淳靜不為矯厲之行所  
治如其為人雅好詩時有警句其知杭州仁宗賜  
詩寵行地有湖山美東南第一州剖符宣政化持  
橐輟才流暫出論思列遙分旰屨憂循良勤撫俗  
來暮聽歡謳摯以詩之首章名堂為有美

命歐陽  
脩撰記

荆石  
堂上

唐詢 鄉郡

嘉祐三年六月丙辰以知蘇州尚書禮部郎中知  
制誥唐詢知杭州五年九月甲辰除吏部郎中本



傳字彥猷杭州錢塘人

餘具人  
物門

施昌言

嘉祐五年九月甲辰以知鄧州樞密直學士給事中施昌言爲尚書刑部侍郎知杭州七年八月甲申除龍圖閣學士涇原路經畧安撫使本傳字正臣通州靜海人

沈邁

鄉郡

嘉祐七年八月甲申以起居舍人知制誥沈邁爲尚書禮部郎中知杭州本傳字文通杭州人自越州徙知杭州遷吏部郎中召爲勾當三班院爲人輕雋明敏通達世務其治杭令行禁止人有貧不

第三卷

十七

能葬及女子孤無以嫁者以公使錢葬嫁數百人倡優養良家女爲己子者奪歸其父母接遇士大夫多得其歡心所部吏尤樂傾盡爲之耳目刺閭巷間事纖悉即知故事至立斷衆莫不駭伏小民有犯情稍不善不問法輕重斷訖彊刺爲卒刺者數百人人屏息不敢犯議者以其嚴比孫沔然沔苛暴銳於懲惡至邁善人亦懼焉晨起治事及午事畢出與賓舊往還從容談笑以示有餘士大夫交稱其能

王琪

治平元年九月甲戌以樞密直學士同判太常寺

王琪知杭州十一月己亥轉右諫議大夫二年徙知揚州本傳字君玉成都人以詩知名於世

蔡襄

治平二年二月以三司使給事中蔡襄爲端明殿學士尚書禮部侍郎知杭州本傳字君謨興化軍仙游人爲政精明吏不能欺三年五月甲寅徙知應天府

胡宿

治平三年四月庚戌以樞密副使尚書禮部侍郎胡宿爲尚書吏部侍郎觀文殿學士知杭州四年六月甲子以太子少師致仕本傳字武平常州晉

第三卷

十八

陵人清儉謹默內剛外和其蒞官治事重不輒發發亦不可回臨民篤恭不略細故人尤愛之神宗即位遷左丞以疾卒於杭州學問文章人多稱

述之

文謚曰恭

呂溱

再除

治平四年六月甲戌以給事中集賢院學士呂溱爲龍圖閣直學士再知杭州九月辛丑除知開封府

祖無擇

治平四年十月丁未以右司郎中知鄭州祖無擇爲右諫議大夫加龍圖閣學士知杭州

鄭獬

熙寧二年五月癸未以翰林學士尚書兵部員外郎鄭獬爲翰林侍讀學士戶部郎中知杭州三年四月己卯徙知青州本傳字毅夫安州人舉進士

第一

趙抃

熙寧三年四月己卯以右諫議大夫叅知政事趙抃爲資政殿學士知杭州十二月庚申徙知青州本傳字閱道衢州西安人和易長厚氣貌清逸所至必興學校勸獎後進爲政視其俗之厚薄與事多寡設施爲術不同杭州故多盜聞抃性寬細民

第三卷

十九

益聚爲盜抃取其情重者配他州盜遂散去境內以清

沈立

熙寧三年十二月庚申以知越州右諫議大夫沈立知杭州本傳字立之和州人知越州移杭州除審官西院勤於職事所得圭租多以市書

陳襄

熙寧五年五月乙未以知陳州尚書刑部郎中知制誥陳襄知杭州熙寧七年六月己巳徙知應天府本傳字述古福州人有學行所至務先學校至親爲講解好薦達人才喜愠不形於色爲政多慕

古人所爲

楊繪

熙寧七年六月己巳以知應天府翰林侍讀學士

尚書禮部侍郎楊繪知杭州

與陳襄兩  
易其任

本傳字元

素漢州人爲翰林學士御史中丞出知應天府徙

杭州再入爲翰林學士兼侍讀

沈起

熙寧七年九月丙申徙知潭州尚書刑部郎中天

章閣待制沈起知杭州本傳字興宗明州人爲人

寬和臨事明敏

蘇頌

第三卷

二十

熙寧九年正月丙寅以祕書監集賢院學士蘇頌

知杭州本傳字子容時以吳越荐飢自勾當三班

院選知杭州召爲提舉中太一宮修仁宗英宗正

史

章惇

熙寧十年五月庚申以知湖州右正言知制誥章

惇知杭州未行爲翰林學士

趙抃

再除

熙寧十年五月癸亥以知越州資政殿大學士右

諫議大夫趙抃知杭州十月戊子抃言吳越國王

錢氏有墳廟在錢塘臨安縣棟宇頽圯林木荒穢

欲令兩縣選僧道主管歲度其徒各一人從之朝  
旨欲修杭州城抃度出於人者數千萬獨奏杭人  
新罹旱災未可興工乃罷役抃告老元豐二年以  
舊職加太子太保致仕

自號知非  
子謚清獻

鄧潤甫

元豐二年正月己丑以右諫議大夫知撫州鄧潤  
甫知杭州四年四月乙酉除龍圖閣直學士徙知  
成都府本傳字聖求建昌人

累遷尚書左  
丞謚安惠

張詵

元豐四年四月乙酉以龍圖閣直學士知成都府  
張詵知杭州本傳字樞言浦城人既除知杭州將

第三卷

二十一

行詔權知熙州經略熙河事既而赴杭州哲宗即  
位遷正議大夫請解郡事除提舉杭州洞霄宮

呂公孺

元豐八年四月丁丑以正議大夫呂公孺知杭州  
未行五月丙辰除龍圖閣直學士知鄆州本傳字  
稚卿故相夷簡之子初知陳州徙杭州再知鄆州

蒲宗孟

元豐八年七月庚戌以新知揚州太中大夫資政  
殿學士蒲宗孟知杭州元祐二年十一月己酉徙

知鄆州本傳字傳正閬州人

集錢塘詩自宋齊以  
來至元豐間九三千

餘篇爲三十  
卷行於世

楊繪

元祐二年十一月庚申以知徐州朝散大夫天章閣待制楊繪知杭州本傳神宗朝知杭州入爲翰林學士兼侍讀英宗即位再知杭州元祐三年六月杭州言繪卒繪吏事敏給主於愛利雖胥史皁隸有過多容之

熊本

元祐三年六月癸巳以龍圖閣待制知越州熊本知杭州四年五月庚午徙知江寧府

蘇軾

元祐四年三月丁亥以翰林學士蘇軾爲龍圖閣

第三卷

二十一

學士知杭州六年正月丙戌除吏部尚書本傳字子瞻眉州人熙寧四年通判杭州後十六年復爲郡守歲適水潦飢疫相仍軾爲請於朝得減上供米三之一故穀不翔踴復以所賜度牒益市粟濟飢殍明年賤糶常平米又作糜粥遺人命醫官分治疾病賴以全治者甚衆開西湖疏茆山鹽槁河修治堰閘濬城中六井與民興利除害講究甚悉郡人德之爲立祠堂六年召爲翰林學士承旨

熊本  
再除

元祐六年正月丙戌以龍圖閣待制知江寧府熊本知杭州本傳字伯通鄱陽人初除越州道移杭

州徙江寧府遷中大夫復除杭州未行召還

林希

元祐六年二月癸巳以朝奉大夫天章閣待制知潤州林希知杭州是年三月癸酉詔遷一官七年

十月丁丑除禮部侍郎

累遷同知樞密院事

王存

元祐七年八月癸亥以吏部尚書知大名府王存知杭州紹聖元年八月丁丑提舉江寧府崇禧觀

陳軒

紹聖元年八月乙酉以知廬州龍圖閣待制陳軒知杭州三年八月辛巳徙知江寧府本傳字元輿

第三卷

二十三

建州建陽人嘉祐八年舉進士第二

韓宗道

紹聖三年八月辛巳以知瀛州太中大夫寶文閣待制韓宗道知杭州本傳字持正真定人知杭州以疾請詔以舊職加通議大夫致仕命未下四年卒

李琮

紹聖四年七月戊辰以刑部侍郎琮爲寶文閣待制知杭州元符元年八月丙子徙知永興軍

虞策

鄉郡

元符元年八月丙子以龍圖閣待制新知永興軍

虞策知杭州未行九月己酉除戶部郎

林希

再除

元符元年九月己酉以中大夫知亳州林希知杭

州

豐稷

元符 年 月 以龍圖閣待制豐稷知杭州

三年四月己酉除諫議大夫

呂惠卿

元符三年四月己酉以檢校司徒鎮南軍節度使

知延安府呂惠卿知杭州建中靖國元年三月癸

亥爲觀文殿學士右銀青光祿大夫提舉杭州洞

第三卷

二十四

霄宮

龔原

建中靖國元年三月癸亥以承議郎知壽州龔原

爲寶文閣待制知杭州是月戊子爲集賢殿修撰

知揚州

陳軒

再除

建中靖國元年三月戊子以龍圖閣直學士新知

揚州陳軒知杭州崇寧元年四月癸卯徙知福州

鄒浩

崇寧元年四月癸亥以寶文閣待制知江寧府鄒

浩知杭州五月己卯移知越州



呂惠卿 再除

崇寧元年閏六月己未以右銀青光祿大夫提舉  
杭州洞霄宮呂惠卿爲觀文殿學士知杭州八月  
移知揚州

蔣之奇

崇寧元年十月癸亥以知樞密院事蔣之奇爲觀  
文殿學士知杭州

宇文昌齡

崇寧二年九月乙巳以寶文閣待制知越州宇文  
昌齡知杭州四年三月以中大夫致仕

王寧

崇寧四年六月戊子以尚書吏部侍郎王寧爲顯  
謨閣待制知杭州七月丙申改知海州

第三卷

二十五

曾孝廣

崇寧四年七月丁巳以戶部尚書曾孝廣爲天章  
閣待制知杭州十一月丙午徙知泰州

呂惠卿 三除

崇寧五年八月癸酉以觀文殿學士知青州呂惠  
卿知杭州

曾孝蘊

大觀元年四月辛未以顯謨閣待制淮南江浙荆  
湖等路發運使曾孝蘊知杭州既而改知濠州

朱彥

大觀元年五月戊申以顯謨閣待制新知洪州朱彥知杭州四年正月庚申徙知潁昌府

王渙之

大觀二年三月辛酉以顯謨閣待制知潭州王渙之知杭州

席震

大觀三年二月壬午以徽猷閣待制知潭州席震知杭州是年五月丁卯改知廣州壬申復知杭州

蔡蕤

大觀三年七月丁未以奉議郎知和州蔡蕤爲顯

第三卷

二十六

謨閣待制知杭州十月甲戌除給事中

張商英

大觀三年十二月癸酉以通議大夫提舉成都府玉局觀張商英爲龍圖閣學士知杭州乘驛赴闕四年二月辛未除資政殿學士中太一宮使

劉達

大觀四年二月壬辰以中大夫提舉亳州明道宮劉達知杭州本傳字公達隨州隨縣人元豐八年舉進士第三四年六月庚午除資政殿學 癸未

詔乘驛赴闕

張閣

大觀四年九月壬申以翰林學士張閣爲龍圖閣學士知杭州本傳字臺卿河陽人杭久闕守郡事廢弛閣經理有叙首去惡少之爲民害者郡人爲立生祠名爲兵部侍郎

龐寅孫

政和元年九月辛酉以司農卿龐寅孫爲顯謨閣待制知杭州三年六月丙子除徽猷閣直學士

董正封

政和四年八月甲子以中大夫集賢殿修撰董正封爲徽猷閣待制知杭州

李偃

第三卷

二十七

政和五年八月甲辰以起復集賢殿修撰李偃爲徽猷閣待制知杭州十二月癸亥徙爲河南尹偃嘗奏湯村巖門白石等處並邊錢塘江通大海日受兩潮漸致侵囓乞依六和寺岸用石砌疊詔令轉運使劉旣濟措置

趙嶢

政和六年閏九月戊辰以中奉大夫右文殿修撰京畿轉運使趙嶢爲徽猷閣待制知杭州宣和元年八月丙戌移知潭州

趙霆

宣和元年八月丙戌以徽猷閣待制江淮荆浙等

路發運使趙霆知杭州二年十二月丁亥徙知青

州

曾孝蘊

再除

宣和二年十二月丁亥以朝請大夫天章閣待制

新知睦州曾孝蘊知杭州

虞奕

鄉郡

宣和三年正月辛酉以起復龍圖閣直學士新知

杭州虞奕知鎮江府是年四月丁酉以知杭州曾

孝蘊爲顯謨閣直學士

蔡薺

再除

宣和三年十月辛未以通議大夫提舉嵩山崇福

第三卷

二十八

宮蔡薺知杭州四年十一月癸巳詔龍圖閣直學

士知杭州蔡薺提舉南京鴻慶宮

翁彥國

宣和四年十二月甲午以朝散大夫徽猷閣直學

士知江寧府翁彥國知杭州七年十一月辛巳除

提舉南京鴻慶宮

唐恪

宣和七年十一月辛巳以延康殿學士正議大夫

知潭州唐恪知杭州靖康元年正月己巳除吏部

尚書

翁彥國

再除

靖康元年正月己巳以朝散大夫徽猷閣直學士翁彥國知杭州是月乙未改知鎮江府

毛友

靖康元年二月甲辰以朝請大夫延康殿學士毛友知杭州是年十月乙巳除宮祠

葉夢得

靖康元年十月乙卯朝散大夫葉夢得復龍圖閣

待制知杭州

錢伯言

建炎元年八月丁丑以龍圖閣直學士錢伯言知

杭州

第三卷

二十九

侍其傳

建炎元年九月丁未朝議大夫直祕閣知真州侍其傳特授集英殿修撰知杭州二年四月十四日

徙知宣州

康允之

建炎二年七月庚戌以徽猷閣待制康允之知杭

州三年八月罷

通判軍州安  
自強權州事

是年十一月三日改

杭州爲臨安府

季陵

建炎四年四月以

閣待制季陵知臨安府

胡舜陟

建炎四年六月戊寅以徽猷閣待制胡舜陟知臨安府是年八月丁憂解官

李光

建炎四年九月甲寅以徽猷閣待制李光知臨安府紹興元年正月三日徙知洪州

孫覲

紹興元年正月三日朝奉郎提舉江州太平觀孫覲除龍圖閣待制知臨安府

**紹興題名記**

安撫敷文湯公帥臨安之明年暇日謂其屬吏何溥曰臨安爲東南一都會登郡而府有年於茲異

第三卷

三十

時名公鉅卿旌棨相望流風美政播在人口至今故老能言之矧惟皇帝時巡警蹕所在呼吸四生根柢萬寓其事勢增重實視古京兆自始幸距今凡二十年帥臣代易僅以十數至問其姓名輒不可盡得間訪而得之往往不能以次對豈非題名不立之故哉予將編列其人勒之堅石以植於府治之東偏庶幾來者有攷焉子其爲我記之溥既承命退而考求其故維臨安舊爲杭州領浙西兵馬鈐轄宣和間改安撫使至建炎而陞爲府未幾鈐轄如舊自紹興駐蹕以來事任非曩比故使名復立至今凡爲帥十有六人於是爲記紹興十九

年六月二十七日府學教授兼權太學博士何溥記

席益

紹興元年十一月二十六日朝奉郎起居舍人席

益除集英殿修撰知臨安府二年正月十八日徙

知衢州

宋輝

紹興二年正月十八日朝議大夫直龍圖閣發運

副使宋輝除祕閣修撰知臨安府三年二月二十

五日除宮祠

盧知原

紹興三年三月初五日以右中奉大夫徽猷閣待

第三卷

三十一

制都督府叅謀官盧知原知臨安府是年六月二

十七日除宮祠

梁汝嘉

紹興三年七月初三日右朝郎直祕閣兩浙轉運

副使梁汝嘉除直龍圖閣知臨安府六年八月初

五日除戶部侍郎

李謨

紹興六年八月二十九日以左中奉大夫直寶文

閣知鎮江府李謨知臨安府七年正月初八日復

知鎮江府

呂頤浩

紹興七年二月二十七日鎮南軍節度使知潭州  
呂頤浩除少保知臨安府八年正月初八日召赴  
行在

張澄

紹興八年二月二十九日以右朝請大夫集英殿  
修撰知建康府張澄知臨安府十年六月初一日  
除戶部侍郎

蔣璨

紹興十年六月初一日以右中奉大夫直龍圖閣  
兩浙轉運副使蔣璨知臨安府是年八月二十二  
日復爲兩浙轉運副使

第三卷

三十二

張匯

紹興十年八月二十四日以右朝散大夫直秘閣  
兩浙轉運副使張匯知臨安府是年九月二十一  
日復爲兩浙轉運副使

俞俟

紹興十年九月二十六日右朝請大夫直秘閣知  
揚州俞俟除祕閣修撰知臨安府十二年十一月  
初四日除敷文閣直學士提舉江州太平觀

王喚

紹興十二年十一月初四日右中大夫集英殿修  
撰兩浙轉運副使王喚除敷文閣待制知臨安府



十三年八月初八日除工部侍郎

張叔獻

紹興十三年八月八日以右朝奉郎直龍圖閣兩

浙轉運副使張叔獻知臨安府十四年十一月初

三日改知紹興府

張澄

再除

紹興十四年十一月初三日以龍圖閣學士右宣

奉大夫知紹興府張澄知臨安府十六年九月十

八日除慶遠軍節度使改知温州

沈該

紹興十六年十月初五日以左朝散大夫直祕閣

第三卷

三十三

兩浙轉運判官沈該知臨安府十七年八月十四

日除權禮部侍郎

趙不弃

紹興十七年八月十四日右中奉大夫權工部侍

郎趙不弃除敷文閣待制知臨安府十八年六月

十九日除工部侍郎

湯鵬舉

紹興十八年六月十九日左中奉大夫直祕閣兩

浙轉運判官湯鵬舉除直敷文閣知臨安府十九

年八月十七日除司農卿

宋貺

紹興十九年八月二十三日以右通奉大夫權尚書戶部侍郎宋貺兼權知臨安府二十一年閏四月十二日轉正奉大夫罷

趙士粦

紹興二十一年閏四月十三日以左朝請大夫兩浙轉運判官趙士粦兼權知臨安府是年九月十三日除直祕閣十九日正除知府二十三年九月二十三日除直敷文閣改知紹興府

曹泳

紹興二十三年九月二十三日右朝請大夫直徽猷閣知紹興府曹泳除直顯謨閣知臨安府十月

第三卷

三十四

初三日到任二十四年十一月十七日兼權戶部侍郎二十五年十月二十三日罷

韓仲通

紹興二十五年十月二十四日以右通奉大夫權刑部尚書兼權詳定一司勅令韓仲通兼權知臨安府二十六年三月十七日除戶部尚書依舊兼府事

榮蕤

紹興二十六年九月八日右朝請大夫知常州榮蕤除直祕閣知臨安府二十七年二月十一日以職事修舉轉右朝議大夫繼以磨勘轉右中奉大

夫七月十一日除權戶部侍郎

張偁

二十七年七月十一日以右朝議大夫直祕閣兩浙轉運判官張偁知臨安府是年十二月除宜敷文閣二十八年九月轉右中奉大夫十一月除直顯謨閣二十九年閏六月初九日除祕閣修撰知明州

趙子瀟

紹興二十九年閏 月初九日左朝請大夫直祕閣權發遣兩浙路計度轉運副使趙子瀟除直敷文閣權發遣臨安府三十年二月十五日除戶部

第三卷

三十五

侍郎

錢端禮

紹興三十年二月十五日右中大夫充祕閣修撰兩浙路計度轉運副使錢端禮除右文殿修撰知臨安府是年七月十一日除戶部侍郎

黃仁榮

紹興三十年七月十一日右中奉大夫直祕閣兩浙路計度轉運副使黃仁榮除直敷文閣知臨安府是年九月初三日丁母憂

錢端禮

再除

紹興三十年九月初四日以右太中大夫權尚書

戶部侍郎錢端禮兼權知臨安府三十一年正月十九日罷

趙子瀟 再除

紹興三十一年正月十九日左朝議大夫權尚書戶部侍郎趙子瀟除敷文閣待制知臨安府三十二年九月十七日除尚書戶部侍郎仍兼知府事隆興元年正月十八日罷

林安宅

隆興元年正月十八日左朝請大夫尚書左司郎中林安宅除直顯謨閣知臨安府是年五月二十九日除主管台州崇道觀

第三卷

陳輝

隆興元年六月二日以右朝請大夫直祕閣兩浙轉運副使陳輝兼權知臨安府是年七月三日除直敷文閣知府事二年四月四日改知建寧府 家避

諱自陳改知湖州

黃仁榮 再除

隆興二年四月初八日以右中奉大夫直敷文閣兩浙轉運副使黃仁榮知臨安府是年十一月二十六日罷

吳芾

隆興二年十一月二十六日左朝議大夫試尚書

史部侍郎吳芾除敷文閣直學士知臨安府是年十二月初五日復爲吏部侍郎

薛良朋

隆興二年十二月初五日以左朝舉大夫直顯謨閣兩浙轉運副使薛良朋知臨安府乾道元年七月十八日以警戢盜賊究心職事除直龍圖閣二年五月十一日除一部侍郎

王炎

乾道二年五月十一日右朝奉大夫兩浙轉運副使王炎除直敷文閣知臨安府十二月十三日以職事修舉除祕閣修撰三年五月二十六日除敷

第三卷

三十七

文閣待制知荆南府

周淙

再任

乾道三年 月二十六日以右朝請大夫直龍圖

閣兩浙轉運副使周淙知臨安府

先是紹興二十五年嘗通判府

事

至乾道五年二月十五日以職事修舉除祕閣

修撰乾道四年十一月十四日磨勘轉右朝議大夫五年七月初四日除右文殿修撰再任

臨安志卷第三終

長興周淙彥廣撰臨安志十五卷直齋書錄譏其首卷為行在所於宮闕殿閣全不記載其他沿革亦多疎略此書世所罕傳萬厯中吾郡陳布政善脩府志時已不得見孫君晴崖得宋槧本於京師故家祇一卷至三卷所載園亭坊巷及職官姓氏為潛君高咸淳志藍本其他惜無從更覓然斷珪殘璧為此邦文獻計已不啻寶如圖球志稱乾道三年五月二十六日以右朝請大夫直龍圖閣兩浙轉運副使知臨安府先是紹興五年嘗通判府事宋史本傳但言宣和間以父任為郎歷官至通判建康府志稱乾道四年十月十四日磨勘轉右朝議大夫五年七月初四日

乾道臨安志跋

一

除右文殿脩撰再任本傳但言進右文殿脩撰提舉江州太平興國宮以歸無再任臨安事此可以補史之闕咸淳志載淙濬湖撩草諸善政孝宗手敕獎諭本傳但言其開河一事亦似過略堇浦杭世駿跋

乾道臨安志十五卷宋臨安府尹吳興周淙彥廣所修也此宋槧本僅一卷至三卷無序目可稽觀其稱孝宗為今上紀職官至淙而訖其為乾道志無疑吾郡志乘之有名者北宋圖經久已無攷至南渡建為行都則此志居首繼之以施鏐淳祐志潛說友咸淳志皆為宋人排纂余所見者祇有咸淳志百卷向在花山馬氏吳君尺鳧鈔藏尚缺七卷趙君谷林復購得宋槧本之半固已珍如球璧今孫君晴崖從都下獲此志雖僅十之一二當時宮闕官署城中橋梁坊巷具存職官始末更為詳晰諸家藏箬錄未有及此者淙尹京時撩湖濬渠綽有政績載在宋史其書更

乾道臨安志跋

二

可寶也亟錄副本而歸之樊榭厲鶚跋